

INIGISAT

PIGINNEQATIGILLUNI INISSIAT PILLUGIT INATSIT

2020-mi naqitaq siulleq. Ineqarnermut Attaveqaqatigiinnermullu Naalakkersuisoqarfik. Quppersakkami uani ilaatigut piginneqatigiilluni inissiat pillugit inatsit, piginneqatigiilluni inissiatillit peqatigiiffii pillugit tamanut tunngasut, aningaasalersuinissamut periarfissat il.il. pillugit paasisutissat nassaarisinnaavatit.



QUPPERSAGAQ TAANNA MARLUNNUT AVITAAVOQ

QUPP.1 PIGINNEQATIGIILLUNI INISSIAATILLIT PEQATIGIIFFII PILLUGIT NALINGINNAASUMIK

Immikkoortumi tassani qanoq iliorluni piginneqatigiilluni inissiaatillit peqatigiiffiannik pilersitsisoqarsinnaanersoq, najugaqartussaatitaaneq allamullu attartortitsisarneq, piginneqatigiilluni inissiaatillit peqatigiiffii pillugit tamanut tunngasut, soorlu ataatsimeersuartarneq malittarisassallu il.il. pillugit paasissutissat nassaarisinnaavatit.

QUPP.2 PIGINNEQATIGIILLUNI INISSIAATILLIT PEQATIGIIFFIINUT ANINGAASALERSUINISSAMUT PERIARFISSAT

Immikkoortumi tassani aningaasalersuinissamut periarfissat, piginneqatigiilluni inissiaatillit peqatigiiffiata atorsinnaasai – taakkununga paarlaannermut taarsigassarsiat, illoqarfinni ataasiakkaani taarsigassarsinissamut killissarititat, taarsigassarsinissamut piumasaqaatit, qinnuteqartarneq aningaasallu tunniunneqartarneri il.il. pillugit paasissutissat nassaarisinnaavatit.



IMARISAI

PIGINNEQATIGIILLUNI INISSIAATILLIT PEQATIGIIFII PILLUGIT NALINGINNAASUMIK

01

**PIGINNEQATIGIILLUNI INISSIAATILLIT PEQATIGIIFIANNIK
PILERSITSINEQ**

02

NAJUGAQARTUSSAATITAANEQ AAMMA ATTARTORTITSINEQ

04

ATAATSIMEERSUARNEQ

04

MALITTARISASSAT

05

ASERFALLATSAALIUINEQ

06

PILERSITSINERMUT PIUMASAQAATIT

08

INATSIT

27

OQAATSINUT NASSUIAAT

OQAATSIT ULLORIAASANIK NALUNAAQTSIKKAT

Quppersakkami matumani oqaatsit, ulloriaasamik
imaattumik * nalunaaqtsersimasut naammattoortassavatit
– Ulloriaasaq isumaqarpoq, oqaaseq quppersakkap tunuani
nassaarisinnaagit, tassanilu isumaa itisiliiffigalugu nassuiaat
nassaarisinnaavat.



PIGINNEQATIGIILLUNI INISSIAATILLIT PEQATIGIIFFIANNIK PILERSITSINEQ

Minnerpaamik inuit pingasuugussi, piginneqatigiilluni inissiaatillit peqatigiiffiannik, piginneqatigiilluni inissianik sananissamik imaluunniit pisinissamik, piginnittuunissamik aqutsinissamillu siunertaqartumik pilersitsisinnaavusi.

Piginneqatigiilluni inissiaatillit peqatigiiffiat ataaseq minnerpaamik piginneqataasunik pingasunik, tassalu inissianik pingasunik ilaasortaqaassaaq.

Inuinnaat aamma inuit namminersorsinnaatitaasut kisimik piginneqatigiilluni inissiaatillit peqatigiiffianni ilaasortaasinnaapput – tassa imaappoq ingerlatseqatigiiffiunngitsut.

Piginneqatigiilluni inissiaq inissiaavoq, piginneqatigiilluni inissiaatillit peqatigiiffianit pigineqartoq, aammalu peqatigiiffimmi ilaasortanit atorpeqarsinnaatitaasoq. Tassa imaappoq, piginneqatigiilluni inissiaatillit peqatigiiffiani ilaasortat inissiat piginnigilaat, kisianni tamarmik immikkut peqatigiiffiup pisuussutaanik piginneqataasuullutik.

Taamaattumik piginneqatigiilluni inissiaatillit peqatigiiffiani ilaasortat piginneqataasutut taaneqartarput.

Piginneqatigiilluni inissiaatillit peqatigiiffiat ataatsimik arlalinnilluunniit illuuteqarsinnaavoq, kisianni illit piginneqataasutut taamaallaat inissiamut aalajangersimasumut ataatsimut atuisinnaatitaassaati.

Piginneqatigiilluni inissiaatillit peqatigiiffiata pisuussutaani piginneqataassutivit annertussusaa, piginneqatigiilluni inissiaatillit peqatigiiffianni inissiat annertussusaannut tamarmiusumut sanilliullugu illit inigisavit annertussusaa aallaavigalugu naatsorsorneqarpoq.

PIGINNEQATAANERMUT ASSERSUUT

Piginneqatigiilluni inissiaatillit peqatigiiffiani inissiap tamakkiisumik angissusaa = **1044 m²**

Illit inissiap piginneqataaffigisavit annertussuseraa = **87 m²**

Taamaallitut piginneqatigiilluni inissiaatillit peqatigiiffiata pisuussutaanut piginneqataassutsivit annertussuserivaa = **1/12**

NAJUGAQARTUSSAATITAANEQ AAMMA ATTARTORTITSINEQ

NAJUGAQARTUSSAATITAANEQ

Piginneqataaleruit, inissiami najugaqarnissat pisussaaffigivat. Tamanna aamma Najugaqartussaataanermik taaneqartarpoq, tamannalu isumaqarpoq illit, imaluunniit inuk alla illit inissianni inoqutaasoq, piginneqatigiilluni inissiami ukiup ataatsip iluani minnerpaamik qaammatini arfinilinni unnuisassasoq.

Aammattaaq illit piffissami killilimmi piginneqataasutut inissiamik attartortitsinissarnik periarfissaqarputit.



ATTARTORTITSINEQ

Piginneqatigiilluni inissiaativit attartortinnissaa piginneqatigiilluni inissiaatillit peqatigiiffianni siulersuisunut* qinnuteqaatigisinnaavat. Tamatuma kingunerisaanik, piffissami illit tassani najugaqannginnerni inuup allap piginneqatigiilluni inissiaatit attartussavaa.

Attartortitsinissamut inissiamiinnginnerit utaqqiisaasuussasoq piumasaqaataavoq, tassa imaappoq ukiut tallimat ingerlaneranni attartortitsineq qaammatit 12-t sinnerlugit sivisussuseqaqqusaanngilaq. Tamatuma saniatigut attartortitsineq qaammatinit pingasunit sivikinnerussanngilaq.



**TAAMAATTOQ PIFFISSAMI
SIVISUNERUSUMI ATTARTORTITSINISSAT
SIULERSUISUNUT QINNUTIGISINNAAVAT,
PEQANGINNERIT UKUNINNGA
PEQQUTEQARPAT:**

- Napparsimaneq
- Ilinniarneq
- Isertitsivimmiinneq
- Nuukkallarneq, ass. suliffik
peqqutigalugu



**Inigisat taamaallaat inuinnarnut aamma inunnt
namminersorsinnaatitaasunut attartortissinnaavat – tassa
imaappoq ingerlatseqatigiiffinnuungitsoq.**

ATAATSIMEERSUARNEQ



Piginneqatigiilluni inissiaatillit peqatigiiffianni oqartussaasuni* qullersaapput ataatsimeersuartut. Ataatsimeersuarnermi* piginneqataasut tamarmik immikkut ataatsimik taasisinnaatitaapput. Ataatsimeersuarnermi siulersuisunik qinersisoqassaaq, tassanilu ilaapput siulersuisuni siulittaasoq aamma aningaaserisoq ulluinnarni aqutsinermik isumaginnittussat.


MALITTARISASSAT

Tamatuma saniatigut piginneqatigiilluni inissiaatillit peqatigiiffianni malittarisassaliortoqartussaavoq*. Malittarisassat tassaapput peqatigiiffimmi siunissami najoqqutarineqartussat, aamma taaneqartarput peqatigiiffiup ”tunngaviusumik inatsisai”, aammalu piginneqataasut akornanni pisut pillugit inatsisunik imaqlutik.

Maleruagassanik piginneqatigiilluni inissiaatillit peqatigiiffiinit malittarisassani nalinginnaasuni sukkulluunniit atuuttuni aalajangersagaasunik,

minnerpaamik malittarisassat imaqassapput.

Malittarisassat nalinginnaasut* tassaapput malittarisassat minnerpaamik atuutsinneqartussat, piginneqatigiilluni inissiaatillit peqatigiiffiini ataasiakkaani malittarisassat qanoq ilusilerneqartinneqarnersut apequtaanani.



ASERFALLATSAALIINEQ

Piginneqataasutut piginneqatigiilluni inissiap najukkavit iluata aserfallatsaaliornissaa pisussaaffigivat.

TASSANI ASSERSUUTIGALUGU ILAATINNEQARPUT:

- Qalipaaneq, iikkanik qaqorterineq tapetilersuinerlu
- Natinik, matunik listenillu taarsersuineq
- Aserfallatsaaliuineq imaluunniit igaffiup nerrivianik, sikaavinnik illumut atasunik uffarfimmiittunilluunniit taarsersuinerit



Piginneqataasutut piginneqatigiilluni inissiap inigisavit iluani annikitsumik allannguisinnaatitaavutit, assersuutigalugu matunik ikkussuineq piiaanerluunniit imaluunniit iggavimmik aaqqissuussineq. Inissiap iluani annertunerusumik allanngortiteriniaruit tamanna siulersuisunit akuerineqaqqaassaaq.

PILERSITSINERMUT PIUMASAQAATIT



PIGINNEQATIGIILLUNI INISSIAATILLIT PEQATIGIIFFIANIK PILERSITSERUSUKKUSI, ILAATIGUT MAKKUA QULAKKIISSAVASI:

1

Piginneqatigiilerniat illuliornissamut toqqavissamik illuutinilluunniit piukkunnartunik nassaassapput

2

Pilersitsinermut isumaqatigiissusiortoqassaaq*, taannalu pilersitsisunit tamanit atsiorneqassaaq

3

Piginneqatigiiffimmut malittarisassaliortoqassaaq*. Piginneqatigiilluni inissiaatillit peqatigiiffiinut malittarisassat nalinginnaasut* sukkulluunniit atuuttut innersuussutigineqarput. Malittarisassat nalinginnaasut tassaapput malittarisassat minnerpaaffissaat, piginneqatigiilluni inissiaatillit peqatigiiffiata malittarisassani qanoq ilusilersorneraat apeqqutaanani

4

Aningaasalersuinissamut periarfissat misissorneqassapput

5

Piginneqatigiilluni inissiaatillit peqatigiiffiannik pilersitsinissamut taarsigassarsinissamut periarfissat pillugit kommunimut saaffiginninnissaq pisariaqarsinnaavoq

6

Pilersitsilluni ataatsimeersuartoqassaaq, tassani malittarisassat* akuerineqassallutik

OBS

Tamatuma kingorna
kommunimut
taarsigassarsinissamik
qinnuteqartoqarsinnaavoq
– tamatuma kingorna
illit/piginneqatigiilluni
inissiaatillit peqatigiiffiat
nammineq illuutinik
sanaartorniarnersusi,
imaluunniit illuutinik
naammasseqqammertunik
pisiniarnersusi, suliap
ingerlanneqarneranut
apeqqutaassaaq.

Periarfissat pillugit
annertunerusumik
paasisaqarusukkuut
kommunerisarnut
saaffiginnissinnaavutit.




MALUGIUK

Qulaani allaqqasut
ilitsersuutaannaapput,
taamaattumillu
tamakkiisuunatik.
Taamaattumik
pisuni arlalinni
eqqartuussissuserisumut
assigisaanulluunniit
saaffiginnittoqarnissaa
inassutigineqarpoq.



INATSIT

Piginneqatigiilluni inissiat pillugit Inatsisartut inatsisaat nr. 33, 23.
november 2017-imeersoq



IMARISAI

PIGINNEQATIGIILLUNI INISSIAATILLIT PEQATIGIIFFIINUT ANINGAASALERSUINISSAMUT PERIARFISSAT

09	AALLAQQAASIUT
10	ANINGAASALERSUINISSAMUT PERIARFISSAT SISAMAT
10	PAARLAASSINERMUT TAARSIGASSARSIARITITAT
11	TAARSIGASSARSIARITITANUT KILLILIUSSAT PILLUGIT NALINGINNAASUMIK & TAARSIGASSARSINERMI ATUGASSARITITAASUT
15	ANINGAASALERSUINISSAMUT PERIARFISSAQ NR. 1
19	ANINGAASALERSUINISSAMUT PERIARFISSAQ NR. 2
21	ANINGAASALERSUINISSAMUT PERIARFISSAQ NR. 3
25	ANINGAASALERSUINISSAMUT PERIARFISSAQ NR. 4
29	OQAATSINUT NASSUIAAT

OQAATSIT ULLORIAASANIK NALUNAAQTSIKKAT

Quppersakkami matumani oqaatsit, ulloriaasamik
imaattumik * nalunaaqtsersimasut naammattoortassavatit
– Ulloriaasaq isumaqarpoq, oqaaseq quppersakkap tunuani
nassaarisinnaagit, tassanilu isumaa itisiliiffigalugu nassuiaat
nassaarisinnaavat.



AALLAQQAASIUT

Piginneqatigiilluni inissiat pillugit Inatsisartut inatsisaat ulloq 1. januar 2018 aallarnerfigalugu atuutilerpoq. Inatsit taanna naapertorlugu piginneqatigiilluni inissiamik sanaartornissamut ilaannakortumik aningaasalersuinissamut taarsigassarsinissamut qinnuteqarnissamut periarfissaqarputit.

Piginneqatigiilluni inissiaatillit peqatigiiffiannik minnerusumik pilersitsisinnaaneq ajornannginnerulersinniarlugu, piginneqataasut pingasut piginneqatigiilluni inissiaatillit peqatigiiffiannik pilersitsisinnaalerput.



ANINGAASALERSUINISSAMUT PERIARFISSAT SISAMAT

PIGINNEQATIGIILLUNI INISSIAATILLIT PEQATIGIIFFIANIK PILERSITSINERMI PERIAATSIT SISAMAT ATORNEQARSINNAAPPUT:

- 1** Piginneqatigiilluni inissiaatillit peqatigiiffiat nammineerluni sanatitsisuuppat, sanaartornerlu aallartillugu
- 2** Piginneqatigiilluni inissiaatillit peqatigiiffiat sanatitsisumit piginneqatigiilluni inissiamik pisippat
- 3** Kommunip inissiaataanni attartortittakkani attartortut inigisartik piginneqatigiilluni inissiatut tiguppassuk
- 4** Piginneqatigiilluni inissiaatillit peqatigiiffiannut tunniussinissaq siunertaralugu kommuni inissialorpat

PAARLAASSINERMUT TAARSIGASSARSIARITITAT

Piginneqatigiilluni inissiaatillit peqatigiiffiat atorunnaarsinneqarpat, tunisinermut atatillugu piginneqataasut paarlaassinermut taarsigassarsisinnaapput. Tassa imaappoq, siornatigut piginneqatigiilluni inissiat pillugit inatsit naapertorlugu taarsigassarsiarisimasaat, illulioruternernut aningaasalersuineq pillugu inatsit malillugu taarsigassarsianut paarlaanneqarsinnaasut.

Tamanna aamma piginneqatigiilluni inissianut piginneqatigiilluni inissiat pillugit inatsit malillugu taarsigassarsiaritinneqarsimasunut atuuppoq.

Taarsigassarsiat allanngorneqarnerini ukiuni sivisunerpaamik qulini erniaqassanngillat akilersugassaassanatillu. Tamatuma kingorna taarsigassarsiatut amerlaqatigiinnik annertussusilerlugit akilersugassatut* ukiuni amerlanerpaamik qulini akilersorneqassapput. Illoqarfimmi sumiinneq apeqqutaalluni inissianut aningaasalersuisarnermut inatsit naapertorlugu taarsigassarsiat assigiinngitsuupput.

TAARSIGASSARSIARITANUT KILLILIUSSAT PILLUGIT NALINGINNAASUMIK

Piginneqatigiilluni inissiamik nutaamik sananermi, piginneqatigiilluni inissiat pillugit inatsit naapertorlugu aningaasartuutissanut taarsigassarsiaritinneqarsinnaasut amerlanerpaaffissaat **m2-nut 20.000 koruuniuvoq**. Aamma sananermi akiusooq qaffasinnerugaluarpalluunniit taanna atuutissaq.

Piginneqatigiilluni inissiat pillugit inatsit naapertorlugu inissiaq **110 m2-nik** annertussuseqartillugu taarsigassarsiarineqarsinnaasut amerlanerpaaffissaannik taarsigassarsisoqarsinnaavoq. Piginneqatigiilluni inissiaq anginerugaluarpalluunniit taanna atuutissaq. Tamatuma saniatigut piginneqatigiilluni inissiafillit peqatigiiffiat aningaasaliussutissat sinneri qulakkeerniarlugit taarsigassarsinnaavoq. Kisiannili najukkani aningaasanik qanoq amerlatigisunik taarsigassarsiniartoqarsinnaananeranut killeqartitsisoqarpoq.

Taarsigassarsianik naatsorsuinermi aallaavigineqassapput:

- Annerpaamik katillugit 20.000 koruuninik aningaasartuuteqarnissamut taarsigassarsititsisoqarsinnaavoq, aningaasartuutit amerlanerugaluarpataluunniit
- Annerpaamik 110 m2-nut taarsigassarsititsisoqarsinnaavoq, inissiaq annerugaluarpalluunniit
- Taarsigassarsiat amerlassusissaannut piginneqatigiilluni inissiap illoqarfimmi sumi inissisimanagera apeqqutaavoq

Najukkani taarsigassarsinissamut killissarititaasut immikkoortumi tullermi takusinnaavatit.

Tamatuma saniatigut aamma illit piginneqataasut sanaartornermut aningaasartuutissat tamarmiusut 5%-iinik ataatsikkut akilerlugit, soorlu aningaaserivimmit taarsigassarsillutit akileeqataassuteqarnissat piumasaqaataavoq. Assersuutigalugu ileqqaakkatit atorlugit aningaasat akilersinnaavatit. Taamaanngippat aningaaserivinnut saaffignittariaqassaatit suut periarfissarinerlugit eqqartorlugu.

Taarsigassarsianut assersuusiq qupperneq 14-mi takusinnaavat.

NAMMINEERLUNI AKILEEQATAASSUTISSANUT ASSERSUUTIT:

Piginneqatigiilluni inissiaq sanallugu **2.200.000 koruuneqarpoq**.

5%

Aningaasartuutissat tamarmiusut 5%-ii tamakkiisumik akilerneqartussaapput. **2.200.000**

koruunit 5%-ii = 110.000 kor.

Assersuutigalugu ileqqaakkatit atorlugit aningaasat akilersinnaavatit.

NAJUKKANI TAARSIGASSARSIARITITANUT KILLILIUSSAT

NUUMMI SULIASSAT

Aningaasartuutit tamarmiusut **45%-ii** tikillugit taarsigassarsisoqarsinnaavoq, annerpaamilli piginneqatigiilluni inissiamut ataatsimut **990.000** koruuniusinnaassallutik.

QAQORTUMI, SISIMIUNI, AASIANNI AAMMA ILULISSANI SULIASSAT

Aningaasartuutit tamarmiusut **55 %-ii** tikillugit taarsigassarsisoqarsinnaavoq, annerpaamilli piginneqatigiilluni inissiamut ataatsimut **1.210.000** koruuniusinnaassallutik.

MANIITSUMI AAMMA TASIILAMI SULIASSAT

Aningaasartuutit tamarmiusut **60 %-ii** tikillugit taarsigassarsisoqarsinnaavoq, annerpaamilli piginneqatigiilluni inissiamut ataatsimut **1.320.000** koruuniusinnaassallutik.

ILLOQARFINNI ALLANI AAMMA NUNAQARFINNI ALLANI SULIASSAT

Aningaasartuutit tamarmiusut **65 %-ii** tikillugit taarsigassarsisoqarsinnaavoq, annerpaamilli piginneqatigiilluni inissiamut ataatsimut **1.430.000** koruuniusinnaassallutik.

MALUGIUK! Kommuni aningaasartuutissanit taarsigassarsiaritinneqarsinnaasut naatsorsussavai. Kommuni aningaasartuutissat procentiinik, inatsimmi allassimasunit ikinnerusunik aalajangiisinnaavoq.

Kommunip taarsigassarsiarititai piginneqatigiilluni inissiatillit piginneqatigiiffiata illuutaasa qularnaveeqqusiunneqarnerisigut* qularnaarneqassapput.

Kommunip taarsigassarsiarititaasa, piginneqatigiilluni inissiatillit peqatigiiffiata illuutaanni qularnaveeqqusiussaqaqlutik sanaartornermut aningaasartuutissanik aningaasalersuinissamut allat taarsigassarsititsinissaat akornusinngilaat.

TAARSIGASSARSINERMI ATUGASSARITITAASUT

Taarsigassarsiarititat ukiut **30-t** tikillugit ernialersugaanatillu akilersugassaangillat. Taarsigassarsiat atuilernissamut akuersissutip imaluunniit illuutip tiguneqarnerata ullua aallarnerfigalugu atuutilissapput.

Tamatuma kingorna taarsigassarsiarititat **3 %-imik** erniaqartillugit saniatigullu Nationalbankip ernialuussaa* ilanngullugu, ukiut **15** tikillugit taarsigassarsiatut annertoqatigiimmik akilersorneqartussatut* akilersorneqassapput.

TAARSIGASSARSARIITINNEQARSINNAASUNUT ASSERSUUT QUPPERNERMI TULLERMIITTOQ TAKUUK.



Maniitsumi piginneqatigiilluni inissiamik **110 m²-it** angissusilimmik kvadratmeterimut **20.000 koruuninik** akilimmik sanaartorusukkuit, sananeqarneranut akigititaq tamakkiisoq inissiamut ataatsimut imaassaaq:

$$110 \times 20.000 = 2.200.000 \text{ koruunit.}$$

Maniitsumi aningaasartuutissanit tamarmiusunit annerpaamik **60%-it**, tassalu matumani pineqartumi **1.320.000 koruunit** kommunimit taarsigassarsiarisinnaavatit.

Aningaasartuutissanit tamarmiusunit **5%-it**, tassalu matumani pineqartumi **110.000 koruunit** nammineeirutit akilersinnaassavatit. Sinneri **770.000 koruunit** aningaaserivimmit imaluunniit realkreditimut taarsigassarsilluni aningaasalersorneqarsinnaapput.

Ukiuni siullerni **30-ni** piginneqatigiilluni inissiaatillit peqatigiiffiata aningaaserivimmut imaluunniit realkreditimut taarsigassarsiat akilersorneqarnissaat isumagissavaa. Aatsaat ukiut **30-t** qaangiuppata taarsigassarsiaq kommunimut utertillugit akilerneqassapput.

Tamanna ukiuni **15-ini** ingerlassaaq. Ukiut **15-t** qaangiuppata pisortanut akiitsut tamakkiisumik utertillugit akilerneqarsimassapput.

PIUMASAQAATIT

Piginneqatigiilluni inissiaatillit peqatigiiffiani ilaasortatut inissianik ataasiakkaanik sanaartornermut aningaasartuutit **5 %-ia** nammineeirutit akilersorsinnaallugu uppersarsinnaassavat. Tamanna assersuutigalugu aningaaserivimmiit nalunaarummik uppersarsaammik pinikkut uppersarsarneqarsinnaavoq. Piginneqatigiilluni inissiaatillit peqatigiiffiat kommunimut nunaminertamik atugassinneqarnissamik* qinnuteqassaaq.

PERIARFISSAQ 1

Piginneqatigiilluni inissiaatillit
peqatigiiffiat nammineerluni
sanatitsisuulluni, piginneqatigiilluni
inissiaatillit peqatigiiffianut
aningsaalersuinissamut periarfissat



QINNUTEQAAT AAMMA ANINGAASANIK TUNNIUSSINEQ

Piginneqatigiilluni inissiaatillit peqatigiiffiatut nammineerlusi sanaartornermik aallartitsinikkut piginneqatigiilluni inissianik nutaanik sanatitsisinnaavusi. Taarsigassarsinissamut killissarititaasut aamma taarsigassarsinissamut piumasagaatit tamaasa qupp. 11-mi atuakkit. Taarsigassarsinissamik allakkatigut qinnuteqaammik kommunimut nassiussissaatit.

TAARSIGASSARSINISSAMUT QINNUTEQAATIP IMARISSAVAI



- 1 Suliassamut nassuiaat, inissiat amerlassusii inissiallu ataatsimut angissusii pillugit paasissutissartalik
- 2 Pitsaassutsimik qulakkeerinissamut nakkutilliinissamullu pilersaarut
- 3 Sanaartornermi sananermut aningaasartuutissanut tamarmiusunut missingiut
- 4 Kommunalbestyrelsimit nunaminertamik atugassinneqarnissamik neriorsuutaagallartoq
- 5 Sanatitsisup namminersortup pisortanut akiitsui pillugit akiliisitsiniartarnermi oqartussaasunit oqaaseqaat
- 6 Sanatitsisup namminersortup sananermut aningaasartuutissanit tamarmiusunit sinneruttunik akiliisinnaaneranut uppernarsaat

Kommuni qinnuteqartumut 100.000 koruunit sinnerlugit pisortanut akilinngitsuuk-kaminik akiitsoqartumut taarsigassarsinissamut neriorsuuteqarsinnaanngilaq.

Kommunalbestyrelsiq qinnuteqaat tamakkiisoq tigoreeruniuk, taarsigassarsititsisoqarsinnaanersoq imaluunniit taarsigassarsititsisoqarsinnaannginnersoq aalajangiiffigissavaa.

TAARSIGASSARSITSISINNAANISSAMUT PISARIAQARPOQ:

- 1 Sanaartornermut akigititassanut isumaqatigiisummik pisussaaffiliisumik isumaqatigiissuteqarsimannginnissaq, aammalu sanaartornermik suliaasat aallartinneqarsimannginnerat
- 2 Piginneqatigiilluni inissiaatillit peqatigiiffiat peqatigiiffiup sanaartornerup immikkoortuini tamaginni peqatigiiffiup soqutigisaannik isumaginnittussamik illuliortiternermut ilisimasalimmik siunnersorteqassasoq
- 3 Illuliornermi piffissami sanaartornerup nalaani illuliortiternermut pilersaarusernermullu inatsisinik atuuttunik naammassinninnissaq

TAARSIGASSARSITITSINISSAMIK NERIORSUUTEQARNERMIK ATORUNNAARSITSINEQ:

Sanaartorneq ukiut marluk iluanni aallartereersimassaaq. Tassa imaappoq, neriorsuutip allaganngorlugu* tunniunneqarneraniit kingusinnerpaamik ukiut marluk qaangiutsinnagit piginneqatigiilluni inissiaatillit peqatigiiffiat sanaartornerup aallartissimaneranik naatsumik kommunimut paasissutissiissasoq. Tamanna pinngippat neriorsuut* siumut ilisimatitsinertaqanngitsumik atorunnaarsinneqassaaq.

Tamatuma saniatigut kommunalbestyrelsip taarsigassarsititsinissaq pillugu neriorsuummik allaganngorlugu tunniussinerata kingorna ukiut pingasut qaangiutsinnagit sanaartorneq naammassineqarsimassaaq atorneqalersimassallunilu.

Tassa imaappoq, neriorsuutip allaganngorlugu tunniunneqarneraniit kingusinnerpaamik ukiut pingasut qaangiutsinnagit atuilernissamut akuersissutip* assilineranik nassiussisoqassasoq. Tamanna pinngippat siumut ilimasaarinertaqanngitsumik neriorsuut atorunnaarsinneqassaaq.



TAARSIGASSARSIASSANIK TUNNIUSSISOQASSAPPAT PIUMASAQAATAAVOQ:

- 1** Inissiat naammassineqareerlutillu tiguneqareersimassasut. Atuilermissamut akuersissummik takutitsisoqarsinnaassaaq.
- 2** Illuliornermut naatsorsuutit inaarutaasut uppernarsagaasullu, allamit attuumassuteqanngitsumit suliarineqartut atsiorneqartullu
- 3** Qularnaveeqqusiussaqaarluni taarsigassarsititsinermut uppernarsaatip allaqqaarnera uparuaanertaqanngitsumik nalunaarsugaasoq naqissusigaasorlu
- 4** Ikuallattoornissamut illuutillu ajoqusernissaanut sillimmasiisimaneq
- 5** Tamatuma saniatigut piffissakkaartumik aamma pilersaarusiukkamik aserfallatsaaliuinissamut pilersaarut nassiunneqassaaq. Tamatuma kingorna kommunimit taarsigassarsiarititassat tunniunneqarsinnaalissapput.

INATSIT

Piginneqatigiilluni inissiat pillugit Inatsisartut inatsisaat nr. 33, 23. november 2017-imeersoq.

PERIARFISSAQ 2

Piginneqatigiilluni
inissiatillit peqatigiiffiannut
anigaasalersuinissamut periarfissat,
tassani piginneqatigiilluni
inissiatillit peqatigiiffiat
sanatitsisumit piginneqatigiilluni
inissianik pisilluni



AALLAQQAASIUT

Pigineqatigiilluni inissiaatillit
peqatigiiffiat nammineerluni
sanaartornianngikkuni
pigineqatigiiffiup inissiat sanatitsisumit
pisiarissallugit toqqarsinnaavaa,
sanaartorneq naammassippat inissiat
pigineqatigiilluni inissiaatillit
peqatigiiffiannut tunniuttussanngorlugit.

Taamaalilluni pigineqatigiilluni
inissiaatillit peqatigiiffia
pigineqatigiilluni inissiaatillit
peqatigiiffiattut nalinginnaasutut
pilersinneqassaaq, inissiallu
pisiarinissaannut sanatitsisumut
isumaqatigiissusiussalluni.

Sanatitsisup kingusinnerpaamik
atuilernissamut akuersissutip*
tunniunneqarnerani inissiat
pigineqatigiilluni inissiaatillit
peqatigiiffiannut, pisinermut akiusumik,
sanatitsisumit aalajangerneqarsimasumik
tamakkiisumik akilersillugit,
tunniutissavat.

Pisinermut akiusumut
tamakkiisumut pisinermut atatillugu
aningaasartuutit tamakkiisut
ilanngunneqassapput, ilanngullugit
teknikinut aningaasaqarnermullu
siunnersortimut, inatsisitugut



siunnersortimut, allaffissornermut,
aningaasalersuinermut
aningaasartuutitut,
piginnittuunermit uppernarsaammik
aamma qularnaveeqqusiussaqarluni
taarsigassarsititsinermut
uppernarsaammik suliaqarnermut
kiisalu naqissusiinermut akitsuutitut
aningaasartuutit.

Isumaqatigiissuteqarnissaq
sioqqullugu sanatitsisoq
kommunimit utaqqiisaasumik
taarsigassarsititsinissamik
neriorsuummik*
qinnuteqarsimassaaq.
Pisinissamut
isumaqatigiissuteqartoqareerpat,
neriorsuut pigineqatigiilluni
inissiaatillit peqatigiiffiannut
tunniunneqassaaq.

Taarsigassarsinissamut killissarititaasut
aamma taarsigassarsinissamut
piumasaqaatit tamaasa qupp. 11-mi
atuakkit.

PERIARFISSAQ 3

Piginneqatigiilluni
inissiatillit peqatigiiffinut
aningsaalersuinissamut periarfissat,
tassani kommunip inissiaatai
attartortittakkat attartortunit
piginneqatigiilluni inissiatut
allanngortinneqarlutik



AALLAQQAASIUT



Kommunip illuutaani attartortut minnerpaamik **75%-iisa** inigisamik piginneqatigiilluni inissiatut tigunissaannik kissaateqarpata, kommuni piginneqatigiilluni inissiaatillit piginneqatigiiffiannut taarsigassarsititsisinnaavoq.

Illuummi attartortut tamarmik piginneqatigiilluni inissiaatillit peqatigiiffianni ilaasortanngorsinnaanermut allakkatigut neqeroorfigineqassapput. Illuut tamakkiisumik piginneqatigiilluni inissiaatillit peqatigiiffiannit tiguneqassaaq.

Attartortut peqatigiiffimmut ilaasortaanissaminik kissaateqanngitsut attartortutut najugaqaannarsinnaapput, attartortullu inissiamit nuunnissaata tungaanut kommuni piginneqataasutut inississaaq, tamatumalu kingorna piginneqataassutini tunisnaallugu.

Taarsigassarsinissamut killissarititaasut aamma taarsigassarsinissamut piumasaaqatit tamaasa qupp. 11-mi atuakkit.

QINNUTEQAAT

Piginneqatigiilluni inissiaatillit peqatigiiffiat pilersinneqaqqaassaaq, tamatumalu kingorna kommunimut qinnuteqaat nassiunneqarsinnaalissaaq.

QINNUTEQAATIP IMARISSAVAI:

- 1** Pilersitsinermut isumaqatigiissut, pilersitsisunit tamanit atsiorneqarsimasoq
- 2** Malittarisassat*, maleruagassanik piginneqatigiilluni inissiaatillit peqatigiiffiinit malittarisassani naliginnaasuni* sukkulluunniit atuuttuni aalajangersagaasunik minnerpamik imaqartut

QINNUTEQAAT AKUERINEQARPAT, MAKKUA PISSAPPUT:

- 1** Illuut kommunimit misissorneqassaaq, tassani teknikkikkut aningaasaqarnikkullu nalilersuineq suliarineqassalluni
- 2** Piginneqatigiilluni inissiaatillit peqatigiiffia illuliornermut immikkut ilisimasalimmik siunnersuisussamik, qanoq issutsinut nalunaarusiamik suliaqartussamik, toqqaassaaq
- 3** Teknikkikkut aningaasaqarnikkullu nalilersuineq aamma qanoq issutsinut nalunaarusiaq ataatsimoorlutik piginneqatigiilluni inissiaatillit peqatigiiffiannut pisinissamut neqeroorummut tunngavissaliissaaq

INATSIT

Piginneqatigiilluni inissiat pillugit Inatsisartut inatsisaat nr. 33, 23. november 2017-imeersoq



PERIARFISSAQ 4

Piginneqatigiilluni inissiaatillit
peqatigiiffiannut tunniussinissaq
siunertaralugu kommuni nutaanik
inissialiorluni, piginneqatigiilluni
inissiaatillit peqatigiiffiannut
aningaasalersuinissamut periarfissat



AALLAQQAASIUT



Piginneqatigiilluni inissiatillit peqatigiiffiannut tunniussinissaq siunertaralugu, kommuni nutaanik inissialiorsinnaavoq.

Piginneqatigiilluni inissiatillit peqatigiiffiata inissiat kommunimit pisiarerusuppagit, kommuni piginneqatigiilluni inissiatillit peqatigiiffiani ilaasortanut ilaannaasumik aningaasalersuinissamut taarsigassarsisitsinnaavoq.

Kommunip piginneqatigiilluni inissiat tunisinnaanngippagit, kommunalbestyrelsi piginneqatigiilluni inissiatillit peqatigiiffianni piginneqataasutut inississaaq inissiallu attartortissinnaassallugit.

Kommunalbestyrelsi pisussaavoq, piginneqataassutsiminik ilaasortanut akuerineqarsinnaasunut, aammalu piginneqatigiilluni inissiatillit peqatigiiffiannut ilaasortatut ilaalersimasunut tunniussiniassalluni.

Taarsigassarsinissamut killissarititaasut aamma taarsigassarsinissamut piumasaqaatit tamaasa qupp. 11-mi atuakkit.

OQAATSINUT NASSUIAAT

PIGINNEQATIGIILLUNI INISSIAATILLIT PEQATIGIIFII PILLUGIT NALINGINNAASUMIK

ATAATSIMEERSUARNEQ

Peqatigiiffimmi ilaasortat ukiumoortumik ataatsimiinnerat. Tassani qulequttat assigiinngitsut, peqatigiiffimmi ilaasortat taasisinnaatitaaffii, pillugit aalajangiisoqartarpoq. Tassani aamma siulersuisuni ilaasortanik qinersisoqarsinnaavoq.

MALITTARISASSAT

Malittarisassat maleruagassaapput ataatsimoortut, ilaatigut peqatigiiffimmut malittarisassatut atorneqartussat. Assersuutigalugu siulersuisut qanoq katitigaassanersut, aammalu qaqugukkut ukiumoortumik ataatsimeersuarnissamut aggersaasoqartassanersoq, malittarisassani allassimassaaq.

MALITTARISASSAT NALINGINNAASUT

Piginneqatigiilluni inissiatillit peqatigiiffiini ataasiakkaani nammineq malittarisassat qanoq ilusilerneqarnerat apeqqutaanani, malittarisassat minnerpaaffissaat atuuttut.

OQARTUSSAQ

Aaqqissuussaaneq imaluunniit immikkoortorta qataatsimoortut sinnerlugit aalajangiisartoq.

PILERSITSINERMUT ISUMAQATIGIISSUT

Uppernarsaat ilaatigut piginneqatigiilluni inissiaatillit peqatigiiffiannik pilersitsinermit pilersinneqartoq, aammalu paasissutissat inatsimmi pisussaaffiqineqartut aalajangersimasut saniatigut, assersuutigalugu malittarisassani aalajangersakkat suut atuutissanersut, pilersitsillutik atsiortut peqatigiiffimmik pilersitsinissamik piumassuseqarnerannik piginnaasaqarnerannillu oqariartuuteqartoq.

SIULERSUISUT

Peqatigiiffimmi aqutsisut qullersaasut. Siulersuisut peqatigiiffimmi ilaasortanit qinerneqartarput, aammalu peqatigiiffimmi pingaarnertut aqutsisuussallutik.

OQAATSINUT NASSUIAAT

PIGinneqatigiilluni inissiaatillit peqatigiiffiit aningaasalersuinissamut periarfissat

ALLAGANNGORLUGU NERIORSUUT

Pigineqatigiilluni inissiaatillit peqatigiiffiannik pilersitsinissamut taarsigassarsititsinissamut kommunip neriorsuutaa inaarutaasoq, allaganngorlugu neriorsuummi tunniunneqartarpoq

ATUILERNISSAMUT AKUERSISSUT

Illuliornerup naammassinerani inissiamut atuinissarnut inaarutaasumik akuersissut.

ILLUUMMI QULARNAVEEQUSIUSSINEQ

Illuummi qularnaveequsiussineq aningaaseriviup taarsigassarsisumut inissiamut taarsigassarsititsinermini imminut qulakkeerinninnissamut periaaseraa. Taarsigassarsisup taarsigassarsiaminut utertillugit akilersuinini unitsippagu, aningaaseriviup inissiaq pinngitsaaliissummik akitsorterussinikkut tuniniarsinnaatitaavaa, taamaallillunilu aningaasaatimi sapinngisamik annertunersai utertinnaallugit.

MALITTARISASSAT

Malittarisassat maleruagassaapput ataatsimoortut, ilaatigut peqatigiiffimmut malittarisassatut atorpeqartussat. Assersuutigalugu siulersuisut qanoq katitigaassanersut, aammalu qaqugukkut ukiumoortumik ataatsimeersuarnissamut aggersaasoqartassanersaq, malittarisassani allassimassaaq.

MALITTARISASSAT NALINGINNAASUT

Piginneqatigiilluni inissiaatillit peqatigiiffiini ataasiakkaani nammineq malittarisassat qanoq ilusilerneqarnerat apeqqutaanani, malittarisassat minnerpaaffissaat atuuttut.

MISSINGERSUINEQ

Qanoq akeqalissanersoq missingersuineq. Tassalu akigititaq pisussaaffiliingitsoq, kisianni pingaarnertigut eqqoriaannarneqartoq.

NAMMINEQ ANINGAASALERSUINEQ

Aningaasat inissiamik tiguisinnaanissannut nammineerlutit akiligassatit.

NATIONALBANKIP ERNIALIUSSAA

Ernialiusseq Nationalbankip aningaaserivinnut taarsigassarsititsinermi ernianik naatsorsuinermini atortagaa.

NUNAMINERTAMIK ATUGASSIINEQ

Nunaminertamik nutaamik atuilerneq sunaluunniit kommunalbestyrelsip nunaminertamik atugassiinertut iluseqartumik akuersissuteqarnissaa pisariaqarpoq. Tamanna aamma nunaminertap imaluunniit illup atorneqarnerata allanngornerani atuuppoq.

PILERSITSINERMUT ISUMAQATIGIISST

Uppernarsaat ilaatigut piginneqatigiilluni inissiaatillit peqatigiiffiata pilersinneqarnerani pilersinneqartartoq, aammalu paasissutissat inatsimmi pisussaaffigineqartut aalajangersimasut saniatigut, assersuutigalugu malittarisassani aalajangersakkat suut atuutissanersut, pilersitsillutik atsiortut peqatigiiffimmik pilersitsinissamik piumassuseqarnerannik piginnaasaqarnerannillu oqariartuuteqartoq.

SANAARTORNERMUT ANINGAASARTUUTIT

Aningaasartuutit tamarmiusut sanaartornermut attuumassuteqartut, ilanngullugit sanaartugassamut pilersaaruserneq, sanasunut aningasartuutit, illuliornissamut taarsigassarsianut ernialiussat, sanaartorfissagissaaneq, atassusiinnermut akitsuutit, illuliornerup allaffissornikkut aqunneqarnera, siunnersortinnerit, allaffissorneq, piginnittuinnermut uppenarsaammik aamma qularnaveeqquusiussaqluni taarsigassarsititsinnermut uppenarsaatinik suliaqarneq, naqissusiinnermut akitsuutit ilaalu ilanngullugit. Sanaartornermut aningaasartuutit tamarmiusunut missingersuinnermik suliaqarnermi taamaalilluni aningaasartuutit arlalippassuit ilanngunneqassapput.

TAARSIGASSARSITINNEQARNISSAMIK NERORSUUT

Taarsigassarsititsisumit (pisumi matumani kommuni) pisortatigoortumik neqeroort, taarsigassarsiarititassat tunniunneqartussat pillugit paasissutissanik imaqqartoq.

TAARSIGASSARSARIITAT ANNERTOQQATIGIINNIK AKILERSUGASSAT

Taarsigassarsariitit annertoqqatigiinnik akilersugassat tassaapput, taarsigassarsariitit taarsigassarsinnermi piffissaq akilersuiffiususaaq tamaat annertoqqatigiinnik akilersorneqartussat. Tassa imaappoq, taarsigassarsiat naammassillugit akilerneqarnissaasa tungaanut qaammatit tamaasa assigiinnik aningaasartaqartillugit akilerneqartassat. Aallaqqaammut qaammatikkaartumik aningaasartaasa ilai annertuut tassaassapput ernialiussat. Kisianni taarsigassarsiat akilersorneqarnerat ilutigalugu erniat aningaasartai annikilliaritussapput, aammalu akilersuutit annertusiartussallutik. Taarsigassarsariititani annertoqqatigiinnik akilersugassani iluaqutissartaasoq tassaavoq, missingersuusiornissap ajornannginnerulerner, tassami qaammatit tamaasa qanoq akiliissanerluni ilisimaneqaaqquissaassammat.

QUPPERSAGAQ 'INIGISAT' AAMMA UUNGA AANEQARSINNAAVOQ:
WWW.NAALAKKERSUISUT.GL AAMMA **WWW.SULLISSIVIK.GL**

TASSANI AAMMA ATUARSINNAAVATIT:

- **ATTARTORTUMIIT PIGINNITTUMUT AAQISSUUSSINEQ**
- **ILLUNUT SANAQATAAFFIUSUNUT INATSIT**
- **ILLULIORTITERNERNUT ANINGAASALERSUINEQ PILLUGU INATSIT**

